



«11» հոկտեմբեր 2023թ.

ք. Երևան

Որոշում N 1678

Վարչական պրոյժ նշանակելու մասին

ՀՀ առողջապահական և աշխատանքի տեսչական մարմնի (այսուհետ նաև՝ Տեսչական մարմնի) ղեկավարի տեղակալ Վահագն Գրիգորյանս ուսումնասիրելով.

1) Վարչական վարույթ հարուցելու և զննում իրականացնելու մասին 2023 թվականի օգոստոսի 28-ի N ՎՎ-2205-Ա հրամանը,

2) 2023 թվականի հունիսի 08-ին Արմեն Հակոբյան Ա/Ձ-ում իրականացված զննման արձանագրությունը,

3) 2023 թվականի սեպտեմբերի 06-ի N 280823-2177 վարչական վարույթը կարճելու մասին N 2267 որոշումը,

4) Վարչական իրավախախտման վերաբերյալ արձանագրության կազմմանը մասնակցելու 2023 թվականի սեպտեմբերի 18-ի N 03/20717-2023 ծանուցագիրը,

5) Վարչական իրավախախտման վերաբերյալ 2023 թվականի սեպտեմբերի 27-ի N 1683 արձանագրությունը,

6) Վարչական իրավախախտման վերաբերյալ գործի քննությանը մասնակցելու վերաբերյալ 2023 թվականի սեպտեմբերի 27-ի N 03/21354-2023 ծանուցագիրը,

7) Հայաստանի Հանրապետության հրապարակային ծանուցումների պաշտոնական ինտերնետային կայքում 2023 թվականի հոկտեմբերի 05-ին տեղադրված ծանուցումը:

Պարզեցի

1. Նկարագրական մաս

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով, 45-րդ հոդվածի 5-րդ մասով և հաշվի առնելով 2023 թվականի օգոստոսի 21-ին ՀՀ պետական եկամուտների կոմիտեից ստացված թիվ /70-5/50928-2023 գրությունը, ՀՀ առողջապահական և աշխատանքի Տեսչական մարմնի ղեկավարի 2023 թվականի օգոստոսի 28-ի թիվ ՎՎ-2205-Ա հրամանով հարուցվել է թիվ 280823-2177 վարչական վարույթ՝ Արմեն

Հակոբյան Ա/Ձ-ում ՀՀ աշխատանքային օրենսգրքի 14-րդ, 85-րդ և 102-րդ հոդվածների պահանջների պահպանումը պարզելու նպատակով:

Հարուցված վարչական վարույթի շրջանակներում Տեսչական մարմնի ղեկավարի 2023 թվականի օգոստոսի 28-ի թիվ ՎՎ-2205-Ա հրամանի հիման վրա մասնագետների կողմից 2023 թվականի օգոստոսի 31-ին անհատ ձեռնարկատեր Արմեն Հակոբյանի գործունեության հասցեներում՝ ք.Երևան, Կոմիտասի 60 և Մաշտոցի 20 իրականացվել է զննում:

Ուսումնասիրվել են վարչական վարույթին առնչվող հետևյալ փաստաթղթերը՝

1. 2023 թվականի օգոստոսի 21-ին ՀՀ պետական եկամուտների կոմիտեից ստացված թիվ /70-5/50928-2023 գրությունը,

2. Անհատ ձեռնարկատեր Արմեն Հակոբյանի 2023 թվականի օգոստոսի 31-ի գրավոր հայտարարությունը:

Արդյունքում պարզ է դարձել, որ.

1. խախտվել են ՀՀ աշխատանքային օրենսգրքի 14-րդ հոդվածի և 85-րդ հոդվածի 1-ին մասի պահանջները, այն է՝ Մարինե Բաղդասարյանը, Շահեն Ղուկասյանը, Արմեն Բաղդասարյանը, Հրանուշ Հովհաննիսյանը, Միլենա Հարությունյանը, Ջեմմա Ասատրյանը և Էդիկ Շագոյանը 2023 թվականի ապրիլի 20-ի դրությամբ աշխատել են «ԱՐՄԵՆ ՀԱԿՈԲՅԱՆ» Ա/Ձ-ում առանց աշխատանքային պայմանագրի կամ աշխատանքի ընդունման մասին անհատական իրավական ակտի կնքման,

2. խախտվել է «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքի 5-րդ հոդվածի 2-րդ մասի պահանջը, այն է՝ Շահեն Ղուկասյանը (ծնված՝ 2007 թվականի հուլիսի 28-ին) 2023 թվականի ապրիլի 20-ի դրությամբ ներգրավվել է ծխախոտային արտադրատեսակների, դրանց պատկանելիքների, ծխախոտային արտադրատեսակների փոխարինիչների, ծխախոտային արտադրատեսակների նմանակների իրացման աշխատանքներում:

Հիմք ընդունելով Վարչական իրավախախտումների վերաբերյալ ՀՀ օրենսգրքի 255-րդ հոդվածը՝ 2023 թվականի սեպտեմբերի 27-ին կազմվել է N 1683 վարչական իրավախախտումների վերաբերյալ արձանագրություն, որը վարչական իրավախախտումների վերաբերյալ գործի քննության տեղի և ժամի մասին ծանուցագրի հետ պատշաճ ձևով ծանուցվել է անհատ ձեռնարկատեր Արմեն Հակոբյանին:

Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի

քննության տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Անհատ ձեռնարկատեր Արմեն Հակոբյանը 2023 թվականի հոկտեմբերի 11-ին նշանակված վարչական իրավախախտման գործի քննության իրականացման տեղի և ժամանակի մասին պատշաճ ձևով ծանուցվել է՝ փոստային առաքմամբ, էլեկտրոնային փոստի հասցեով և Հայաստանի Հանրապետության հրապարակային ծանուցումների պաշտոնական ինտերնետային կայքով:

2023 թվականի հոկտեմբերի 11-ին Տեսչական մարմնում (ք. Երևան, Ա. Արմենակյան 129 հասցեում) նշանակված վարչական իրավախախտումների վերաբերյալ գործի քննությանը Արմեն Հակոբյանը չի ներկայացել և նրանից չի ստացվել միջնորդություն գործի քննությունը հետաձգելու վերաբերյալ:

2. Պատճառաբանական մաս

Վարչական մարմինը հաստատված է համարում, որ.

1. Մարինե Բաղդասարյանը, Շահեն Ղուկասյանը, Արմեն Բաղդասարյանը, Հրանուշ Հովհաննիսյանը, Միլենա Հարությունյանը, Ջեմմա Ասատրյանը և Էդիկ Շագոյանը 2023 թվականի ապրիլի 20-ի դրությամբ աշխատել են «ԱՐՄԵՆ ՀԱԿՈԲՅԱՆ» Ա/Ձ-ում առանց աշխատանքային պայմանագրի կամ աշխատանքի ընդունման մասին անհատական իրավական ակտի, որով խախտվել է ՀՀ աշխատանքային օրենսգրքի 14-րդ հոդվածի, 85-րդ հոդվածի 1-ին մասի պահանջները:

2. Շահեն Ղուկասյանը ծնված՝ 2007 թվականի հուլիսի 28-ին, 2023 թվականի ապրիլի 20-ի դրությամբ ներգրավվել է ծխախոտային արտադրատեսակների, դրանց պատկանելիքների, ծխախոտային արտադրատեսակների փոխարինիչների, ծխախոտային արտադրատեսակների նմանակների իրացման աշխատանքներում, որով խախտվել է «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքի 5-րդ հոդվածի 2-րդ մասի պահանջը:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որի համար պատասխանատու է անհատ ձեռնարկատեր Արմեն Հակոբյանը (Ն/Ք՝ 009664459, տրված 2017-12-21, 007-ի կողմից):

Վերջինիս կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող կամ ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ: Վարչական մարմինը գտնում է, որ Արմեն Հակոբյանի կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ Վարչական իրավախախտումը համարվում է անզգուշությամբ կատարված, եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց թեթևամտորեն հույս է ունեցել կանխելու դրանք կամ չի կանխատեսել այդպիսի հետևանքներ առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ:

Նշված հոդվածից հետևում է, որ Արմեն Հակոբյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես անհատ ձեռնարկատեր՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 169⁵-րդ հոդվածի 1-ին մասի համաձայն՝ առանց Հայաստանի Հանրապետության օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի աշխատող պահելն առաջացնում է՝ տուգանքի նշանակում խախտում թույլ տված անձի նկատմամբ՝ սահմանված նվազագույն աշխատավարձի հիսնապատիկի չափով՝ խախտման յուրաքանչյուր դեպքի համար:

«Վարչական իրավախախտումների վերաբերյալ» ՀՀ օրենսգրքի 173¹-րդ հոդվածի 3-րդ մասի համաձայն՝ 18 տարին չլրացած անձանց ծխախոտային

արտադրատեսակներ, դրանց պատկանելիքներ կամ ծխախոտային արտադրատեսակների փոխարինիչներ վաճառելու կամ որևէ այլ եղանակով իրացնելու մեջ ներգրավելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրիսնապատիկից երկուհարյուրապատիկի չափով:

3. Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230, 279, 281, 283-րդ հոդվածներով, և 282-րդ հոդվածի 1-ին մասով՝

Որոշեցի

1. Անհատ ձեռնարկատեր Արմեն Հակոբյանին, որպես խախտում թույլ տված անձ՝

1) ՀՀ աշխատանքային օրենսգիրքի 14-րդ հոդվածի, 85-րդ հոդվածի 1-ին մասի, պահանջները խախտելու համար, այն է՝ առանց Հայաստանի Հանրապետության օրենսդրությամբ նախատեսված աշխատանքի ընդունման պայմանագրի թվով 7 աշխատող պահելու համար «Վարչական իրավախախտումների վերաբերյալ» ՀՀ օրենսգրքի 169⁵-րդ հոդվածի 1-ին մասի համաձայն ենթարկել վարչական տույժի՝ սահմանված նվազագույն աշխատավարձի հիսնապատիկի չափով խախտման յուրաքանչյուր դեպքի համար՝ 350000 (երեք հարյուր հիսուն հազար) ՀՀ դրամ վարչական տուգանքի,

2) «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքի 5-րդ հոդվածի 2-րդ մասի պահանջը խախտելու համար, այն է՝ 18 տարին չլրացած անձին ծխախոտային արտադրատեսակների, դրանց պատկանելիքների, ծխախոտային արտադրատեսակների փոխարինիչների, ծխախոտային արտադրատեսակների նմանակների իրացման աշխատանքներում ներգրավելու համար «Վարչական իրավախախտումների վերաբերյալ» ՀՀ օրենսգրքի 173¹-րդ հոդվածի 3-րդ մասի համաձայն ենթարկել վարչական տույժի՝ սահմանված նվազագույն աշխատավարձի հարյուրիսնապատիկի չափով՝ 150000 (հարյուր հիսուն հազար) ՀՀ դրամ վարչական տուգանքի,

3) Սույն կետի 1) և 2) ենթակետերով կիրառված վարչական տուգանքների ընդհանուր գումարը կազմում է 500000 (հինգ հարյուր հազար) ՀՀ դրամ:

2. Սույն որոշումը ծանուցել Արմեն Հակոբյանին (ք.Երևան, Քանաքեռ 6-րդ փողոց, տուն 64, էլ.փոստ hakobyanarm68@gmail.com):

3. Սույն վարչական ակտն ուժի մեջ է մտնում վարչական վարույթի մասնակցին հրազեկելուն հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

 Recoverable Signature

X 
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԵՏՇԱԿԱՆ ՄԱՐՄԻՆ

Signed by: GRIGORYAN VAHAGN 3914740051

ՂԵԿԱՎԱՐԻ ՏԵՂԱԿԱԼ

ՎԱՀԱԳՆ ԳՐԻԳՈՐՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետրյուջեի հաշվի համարը՝ ՀՀ առողջապահական և աշխատանքի տեսչական մարմնի համար իրավախախտումների համար կիրառվող տուգանքների և պատժամիջոցների մուտքեր N900005024097.

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, փոստային առաքանու համարը, փոստային առաքանին հասցեատի